



BANUA NIHA KERISO PROTESTAN (THE PROTESTANT CHRISTIAN CHURCH)

B N K P

ANGGOTA PGI

(DIAKUI SEBAGAI GEREJA DENGAN KETETAPAN TANGGAL 18 MARET 1938 NO. 32

LEMBARAN NEGARA NO. 138 YO. 14 DESEMBER 1948 NO. 1857/18/AK/48)

Alamat / Address : Kantor Sinode BNKP Jln. Soekarno No. 22 HP/WA: 081265075752

Gunungsitoli 22813 Nias – Sumut – Indonesia

E-mail: sinode.bnkp22@gmail.com

AGENDRE MIGU “UEM SUNDAY” Minggu Trinitatis, 9 JUNI 2024

Tema: HASAMBUA BA KHÖ KERISO, BA WANGOTOMOSI DELA, BA BA WODUDUGÖ BA'ABA'A

I. FAMA'ANÖ

(SA = Sangai Agendre , SATO = Jemaat)

1. FANGOWAI BA FOGAONI

SA : Ira talifusö ni'omasi'ö ba khö Keriso, ma'ökhö no owulo ita ndrotondroto UEM ba wa'owulo ba wanörötödö migu UEM. Matema'ö ami fefu ba wasumangeta khö Lowalangi, ma owai ami Ya'ahowu.....

SATO : Ya'ahowu

SA : Ya faofao khömi Lowalangi.

SATO : Ya fao khöu Geheha-Nia.

SA : Efeso 4:1-7

Ba u'andrö khömi, ya'o ni kuru andre, ba khö Zo'aya, ena'ö mi törö zi nangea lala nikaoni andrö me no mukaoni ami. Ya a'oi so wa lö fayawa ami, awö wa'asökhö dödö, awö wa'ebolo dödö, mibologö dödömi khö nawömi, mi'omasi'ö ia; mi'oigö dödömi, ena'ö lö tebulö wa ha sara dödö, ena'ö faböbö ami, famaböbö fa'atulö andrö. Ha sambua mboto, ba ha sambua dödö, si mane fagaoni ya'ami göi, ba zi ha sara fanötöna, ba nikaoni ya'ami. Ha samösa Zo'aya, ha sambua wamati, ha sambua wamayagö idanö, ha sambua Lowalangi ba Amara fefu, yawara fefu, ba sanörö ya'ira fefu, ba ba dödöra fefu. Ba dozi ita, ba no mube'e wa'ebua dödö andrö, dali ndrohundrohu mbuala Keriso andrö.

SA : FANGANDRÖ FAMOBÖRÖ –

He Ama Lowalangi ba zorugo sebua fa'omasi ba sahakhö tödö, no'owulo ndra'aga tanöfönau ma'ökhö ngaluo ni fahowu'ou. Möiga ma'ondrasi ndraugö sifao fangandrö saohagölö ba fa owuawua dödö ba fanötöna. Ma'andrö saohagölö ginötö nitehegöu khöma wamalua fasumangeta ba wa hasambua ba khö Lowalangi ma faduhu'ö wa'oi, faehu-faeu ndra'aga ba nomo Mö andre ba no bualau khöma da'ö, he fa'atua tua, lala wa'auri, awö mbuabua ba sambua-sambua banua, ba no te'osambua'ö ndra'aga börö wamati ba khö Yesu Keriso sangorifi ba sangöhöli ya'aga. Tolo ndra'aga ba wondrorogö

fahasambua sifao faomuso dödö, fangidengide'ö, ma ila wa moroi khöU te faböbö ndra'aga tobali sifatalifusö.

Ma'ökhö ta erönusi Tuho: "HASAMBUA BA KHÖ KERISO, BA WANGOTOMOSI DELA, BA BA WODUDUGÖ BA'ABA'A" mangotomosi dela, la dudugö mba'amba'a, ma'andrö menemene ba fa'atuatua si otarai khö-Mö be'e khöma wa lö aiwö ena'ö faoma ma'oro'ö dangamaba wamalua fa'omasi, si tobali dela ba mbaho famabali, ba wo dudugö mba'amba'a so mba'agö fa hasambua khöma ena'ö Eheha Ni'amoni'ö za me'e fa'abölö ba wa nitimba si oto'oto, fangerangera ba si nahö dödö, ena'ö alua wahasara dödö, fa o'hauhau ba fa'atulö.

He So'aya mangandröga salahı gosali ba zi sagörö ulidanö, ena'ö tobali dumaduma ndra'aga ba wa hasambua mohaga ba gotalua zi no fabö'öbö'ö ma'oroma'ö wa'omasi ba gulidanö si no fabalibali fa'aboto. Abölö'ö ndra'aga So'aya ena'ö aro ndra'aga ba wamati, ba wamalua fa'omasi ba fangefa horö ba famadöhö gofu he za nahia te söndra wa'aboto ba fa'atekiko ba fa'atobali dödö.

MANUNÖ

SA : Da ta'owuawua'ö dödöda wangondrası Yehowa, da ta'omusoi'ö dödöda ba wamalua fasumangeta khö Lowalangida. Tasuno Ia, manunö ita moroi ba **Buku Zinunö no : 27**

27. YEHOWA WA' ABÖLÖGU 1

do = f 4/4

MM = 88 - 92

1. Yehowa wa' abölögu, me Lowalangi Ia.
No Ihonogö dödögu, ba lumö danga-Nia.
Ha Ya' ia nisunogu götö wa ' anau nosogu. Haleluya khö-Nia.
2. Yehowa wa' abölögu, me umbu wa' omasi.
Ibe' e khögu Zangefa, Yesu si möi salahı.
Da' ö zomuso dödögu, fa' ebua dödö-Nia, usuno Lowalangi.

2. FANGA'AROÖ WA OWULO

SA : Da tahonogö dödö da ba wariawösa, ba ba wa hasambua khö Lowalangi, (muzizio zato).

SA : No owulo ita bada'e, ba döi Lowalangi Ama, ba ba döi Nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.

SATO : Yaduhu

SA : ba u'ila Zo'aya, sidadao ba dadaoma sebua, si no alawa: anönö gosali ahe mbaru-Nia. Serafi föna-Nia önö gafi zamösa. Dua mbalubalu mbawa ba dua mbalubalu gahe ba dua ba wehombo. Ba faoma lamanemane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andö; no anönö lakhömi-Nia guli danö ma'asagörö (Yesaya 6:1b,2-3)

SA+SATO : (Manunö) Haleluya, Haleluya, Haleluya....

SA : Mangandrö ita,
He Lowalngi Ama, ono ba Eheha Ni'amoni'ö. Möiga mangalulu ba wangandrö saohagölö me no Ö'rorogö, Ö'orifi, ba Ö'bohouniga faomasi Möandrö. Ma'andrö Khö-U tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö ba ngawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia baziso Yaugö. Si lö mo'aetufa nisuno ba nifolakhömi Ndra'ugö, awö Zo'aya ya'aga Yesu Keriso ba Eheha Ni'amoni'ö Yaduhu.

.....(mudadao zato).....

3. MANUNÖ moroi ba Buku Zinunö numero: 225 (HE YA'ITA SAMÖSANA)

225. HE YA'ITA ZAMÖSANA

Lala : Hezo Yesu Somasido (No. 186)

do = d 3/4

MM = 69 - 76

1. He ya ' ita zamösana, böi abe ' e dödöda.
Böi tawai aoha wanöndra, fangorifi nosoda.
Na lö mangesa dödöda, ba horö si fahöna.
Ba tebai manö tasöndra, lala wangorifida.
2. Imane Yesu So' aya, sangorifi ya' ita.
Falalini gera' era, ogorofi zi sala.
Aine khö-Gu zamösana, ba wangandrö fangefa.
Ba Ya' odo zamè aefa, fefu ngawalö zala.

4. FOMBASO TAROMALI LOWALANGI

SA : Da tafondrondrongo daroma Li Lowalangi, tehalö moroi ba zura **V Moze 17:14-20**

- 14. Na no öruigi danö andrö, nibe'e Lowalangi, Yehowa, khöu, na no ö'okhögö ba na no ahono ndra'ugö ba danö, ba na ömane dania: Da'ufataro khögu razo, högögu, si mane ba niha baero fefu, si tefasui ya'o,**
- 15. ba ha nituyu Lowalangi, Yehowa, öfataro razo khöu. Iwami öfataro razo khöu; niha bö'ö, si tenga ya'ami, ba lö tola öfataro khöu.**
- 16. Ba fa böi soya kudo ia ba böi yamu'ohe mangawuli ami ba danö Miserayi, ba wangoya'ö kudonia, me noa sa'ae iwa'ö khömi Yehowa: Böi manö mifuli ami ba da'ö!**
- 17. Ba böi yamu'oya'ö ndrongsania, fa böi i'erogö [Yehowa], ba böi yamuhöna khönia wirö ba ana'a.**
- 18. Ba na no dumadao dania ia ba dadaoma razo, ba yamusura khönia zambua zura goröisa andre, khö gere ono Lewi andrö ihalö;**

19. ba bōi aefa'aefa khōnia, ba ibasobaso sagōtō ya'ia, ena'ō ifamaha ia
 ba wangata'ufi Lowalanginia, Yehowa, ba ena'ō itōngōni daroma li
 gorōisa andre, awō nifakhōi andrō, fefu, ba wolo'ō ya'ia,
 20. fa bōi fayawa ia ba niwania andrō, ba bōi zi lō itōrō gorōisa andrō, bōi
 yamuhole'ō ia, he ba gambōlō, ba he ba gabera, ena'ō ara razo ia ba
 Ndraono Gizeraēli, he ya'ia, ba he ononia dania.

Si manō daroma Li Lowalangi, da tatema'ō faoma sinunō **Buku Zinunō
 numero 20 (Misunosuno Zo'aya)**

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
 Mi 'ebua 'ō dōi-Nia, sotōi banua-Nia.
 Me no Ikaoni göi ami, afu mitemawa'auri, khō Yesu, Sangorifi.

5. FANGANDRÖ FANGEFA HORÖ

SA : Ya' ami ira talifusō,

Na tawa'ō lō horōda, ba talimo ita, ba si duhu lō'ō ba dōdōda. Na
 ta'ombakha'ō horōda, ba lō farōi Ia, ba no satulō Ia, fa l'efa'ō khōda horō
 andrō, Ihaogō ita, awō wa Itheta fefu zi lō atulō. Andrō da möi ita fōna
 Lowalangi si fao fangidengide'ō ba wangombakha horōda.

(muzizio ita fefu).....

Mangandrō ita :

He So'aya ma'ondrasi Ndraugō sifao fa ngidengide'ō ba wangandrō fa ngefa
 horōma ba ma'andrō wa'ahakhō dōdō-U efa'ō fefu horōma ba ginōtō arōu
 ndra'aga Khō'u, fehedema awō gamuatama sogoro Ndra'ugō, ena'ō
 fa'omasimō andrō zamasui ndra'aga ero ma'ōkhō, ena'ō hagamō andrō
 zanuturu lalama ba wanōrō lalamō andrō, badōi Yesu Keriso mangandrōga
 Yaduhu.

SATO : Manunō BZ numero 224 “ **NA UBUNI'Ö HORÖGU KHÖ YESU**” ayati 1

224. NA'UBINI'Ö HORÖGU KHÖ YESU

1. Na'ubini'ō horōgu khō Yesu, ba lō usōndra za hono dōdōgu
 U'ombakha'ō ngawalō horōgu, mo lala dōdō.

SA : **Turia Fangefa Horō :**

Imane tarima Li Lowalangi : ba khō Yesu tatema wa ngorifi, ba bōrō ndro-
 Nia wa tasōndra wangefa horō molo'ō fa'omasi Nia andrō si no fahōna.

LAKHÖMI KHÖ LOWALANGI SI YAWA.....

SA+SATO: Manunō BZ numero 450 “ **Ba Fa'atulō Ba Gulidanō**”

1. Ba fa'atulō ba Gulidanō ba niha ni omasiō andrō.....

.....modadao zato.....

6. FOMBASO TAROMA LI LOWALANGI : II Korindro 4:13-5:1

SA : Datafondrondrongo taromali Lowalangi ni baso moroi ba **II Korindro 4:13-5:1,.....**

Faza 4:13-18

13. Ba me no so khōma Geheha wamati andrō, si mane si so ba zura: "No mamati ndra'o, andrō humede ndra'o", ba mamati ndra'aga gōi, ba andrō muhedega gōi.
14. Me no ma'ila, si no manusugi Yesu, So'aya ya'ita, ba isusugi gōi ndra'aga dania, awō Yesu, ba ifa'aso ndra'aga, awōmi.
15. Bōrō sa ami, ba da'ō fefu, ena'ō amaedola zi tedoudou na wa'ebua dōdō (Lowalangi) andrō, ba ena'ō fahōna; wangandrō saoha gōlō, ena'ō ato zangandrō, ba wamolakhōmi Lowalangi.
16. Andrō lō ma'ila wa'ata'u, he wa'ae tekiko mbotoma andre, ba tebohouni niha bakha, ero ma'ōkhō.
17. Famakaoda andrō sa, si lō arara, si lō abōlōbōlō, ba i'a'asogō khōda lakhōmi sebua, si lō aetu, irege fahōna;
18. me lō tefaigi zoroma andrō, ha si lō oroma. Soroma sa, ba lō arara, ba si lō oroma, ba irugi zi lō aetu.

Faza 5:1

1. Noa sa ma'ila, na tedudugō nahama andre, ba guli danō, ose andre, ba so khōma ni'otomosi Lowalangi, omo, si tenga nifazōkhi tanga, si lō tebulō, ba zorugo.

“Ya'ahowu samondrondrongo taroma li Lowalangi ba samalua ba wa auri si ero maōkhō. Yaduhu

SA+SATO: Yaduhu

7. FASÖMBATA

SA : Iada'e tebe'e khōda ginötō ba wolohe fasömbatada khō Lowalangi. Ta'osamuzaigō wame'e, he fasömbata si fōfōna, ba simanō gōi zi mendrua awō zi medōlu, sifao fangowuloi fasombata **UEM**. Ba si ofōna ua da tafondrondrongo Li Lowalangi me imane :

Andrō ufarou dōdōmi, ya'ami ira talifusō, moroi ba wa'ahakhō dōdō Lowalangi andrō, ena'ō mibe'e sumange mbotomi, sumange sauri , ni'amoni'ō, somasi Lowalangi; da'ō wamosumange Lowalangi khōmi, si so todō. (Roma 12,1-2)

SA : Tafa'ema wasömbata khō Lowalangi, manunō ita moroi ba **Buku Zinunō numero 258 (NO OYA MBUALAU KHÖGU)**

258. NO OYA MBUALAU KHÖGU

do = g 2/4

MM = 88 - 96

1. No oya mbuala-U khögu, ba mbotogu ba nosogu.

- Hanu-hanu, fa' aurigu, fa' abölö, okhötagu.
 No fa' omasi-U Yesu, sagötö fekoligu.
2. No aboto ba dödögu, mbuala-U ba wa' aurigu.
 Andrö tumbu ba dödögu, wame' e fasömbatagu.
 Ubè sumange-U Yesu, me no Ya' ugö gumbu.
 3. Angandröwagu khö-U Yesu, böi böda danga-U ya'wagu.
 A' aro' ö wamatigu, fahowu' ö wa' aurigu.
 Tema wasömbatagu, fangebua mbanua-U.
 4. Ha Ya' ugö gubalogu, gofu heza döröwagu.
 Lö mofozu wa' aurigu, na lö fao Ndra' ugö khögu.
 Ululu wa' aurigu, amatöröwa-U Yesu.
 5. Abölö' ö na ndra' odo, wolo' ö taromali-U.
 Ya maulu wa' omasigu, mane fa' omasi-U khögu.
 Hagainido Eheha-U, afu anau gölögu.

SA : Da tafasao wasömbatada andre föna Lowalangi..... *Muzizio ita fefu*..... manunö ita moroi ba BZ numero 261 “**YA'E ZUMANGE**”

261. YA'E ZUMANGE ¹

Ira'alawe

1. Ya' e zumange fasömbata, ma' ohe sumange Yehowa.

Iramatua

- Reff*: Ma'andrö khö-U fahowu'ö zumange ni 'ohema khö-Mö
2. Ya' e zumange fasömbata mabe'e soroi ba dödöma.
Reff: Ma'andrö khö-U
 3. Ya' e zumange fasömbata buala si'otarai Nama.
Reff: Ma'andrö khö-U
 4. Ya' e zumange fasömbata, boto, noso, ba fa'aurima
Reff: Ma'andrö khö-U
 5. Ya' e zumange fasömbata, lö irugi zomasi dödö-U.
Reff: Ma'andrö khö-U
 6. Ya' e zumange fasömbata, ma'aohasi gölö Zo'aya.
Reff: Ma'andrö khö-U

Fangandrö : (fanganrö nidöniaö fasamösa zangowuloi fasömbata)

8. KOOR/VOKAL GRUP

SA : Da tafaogö dödöda ba wanuno Lowalangi faoma sinunö ni olohesi : Koor ba Vokal Group

a.

b.

c.

9. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi ba **Buku Zinun ö numero :163 " UHonogösibai dödögu"**.

U honog sibai dödögu ba wamondrongo limo Yesu,
Mangalulu ndra'odo föna U ba game tahö Mö ia da'a,
ö ba yoini Eheha U Yesu dozigö mbanua samati khöU,
U bokai dödögu khö U Yesu nahia daroma li U.

Reff: Taroma li Mö lö fa'atebulö menewi ma'ökhö ba si'o götö'ö lö sa mamalö,
taroma li Mö simöi fangabölö u temaö soroi ba dodo tolo ba wolo'ö.

10. HUHUA SEBUA

SH : Ya irorogö dödömi, awö gera'erami fa'ohahau dödö andrö, khö Lowalangi, sabölö moroi ba gera'era niha fefu, ba khö Keriso Yesu. Mangandrö ita..... ita..... Yaduhu

- a. Fombaso taroma Li Lowalangi **I Samueli 8:4-11** (*Tuho Migu: Yehowa Zangabölö'ö Enoni-Nia / Tuhan Menguatkan Hamba-Nya*)
- b. Fanuriaigö
- c. Nitanö ba dödö **II Korindro 4:8** (*Fefu gofu heza, ba no mufalangögö ndra'aga, ba tenga sa nimama; nibusi tödö ndra'aga, ba so zui lala dödö. / Dalam segala hal kami ditindas, namun tidak terjepit; kami habis akal, namun tidak putus asa.*)
- d. Fangandrö fanga'aro'ö huhuo

SATO : Manunö: **Mbuku Zinunö numero 154 (NO MAFONDRONDRONGO LIU) 154. NO MAFONDRONDRONGO LIU** ²

1. No mafondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö lida wamaduhu'ö famatida ya'ita niha Keriso föna Lowalangi, *muzizio ita fefu.....*

SATO : Ya'o mamati khö Lowalangi.....

- Ya'o mamati khö Lowalangi Ama si lö ambö fa'abölö, somböi banua si yawa awö danö.
- Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu

ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

- Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu.

.....*modadao zato*.....

12. ANGOMBAKHATA BA MBANUA NIHA KERISO

SA : Da tafondrongo gangombakhata:.....

13. MANUNÖ

SA : Manunö ita moroi ba **Buku Zinunö numero 161 (HE SO'AYA OMASIGA)**

161. HE SO' AYA OMASIGA

Lala : Sökhi sa Duria Yesu (No. 88)

do = es 4/4

MM = 88 - 96

1. He So' aya omasiga, ma ' ondrasi Ndra' ugö.
Möiga wa-ne-ma bu - a - la, a - ma-bu ' u - la - li-Mö.
2. No humulu sa dödöma, wangalulu föna-Mö.
No owulo ae ndra' aga, ba wangandrö ba döi-Mö.

14. FANGANDRÖ SALAHI + FAMATENGE + HOWUHOWU

SH : So'aya sa fönu fa'omasi zo gaoni ya'ita tobali ha sambua ba khö Keriso

SATO : Fondrongo wa ngandröma ba fatörö ndra'aga ba wangehaogö dela ba wo dudugö somba'agö.

SH : Mangandröga salahi zondroniai'ö ya'aga ba gosali ena'ö mo fa'abölö ira si otarai Geheha ba wondrou'ö fa'aboto ba dödö ba falulu fohalöwö dozi samati gofu hadia ngasira.

SATO : Fondrongo wa ngandröma ba be'e khöra wa'atuatua awö wa'atulö.

SH : Mangandröga salahi mbanua Niha Keriso ba zi sagörö ulidanö ena'ö tola la tema nawöma he wa'ae no faehu faehu we taro zamösana, ena'ö alua wa lulusa fo halöwö si sökhi.

SATO : Fondrongo wa ngandröma ba osabua'ö ndra'aga ba wa'omasi.

SH : Mangandröga salahi gangowuloa niha si no terasa todö, tefakao börö wa udusa awö wanahö dödö ena'ö fa'ohahau dödö siotarai Yesu da'ö zamatörö ya'aga.

SATO : Fondrongo wa ngandröma ba be'e wamadöhö ba fahasara dödö.

SH : Mangandröga salahi si tefakao, ni böbözi börö wa matira ena'ö lasöndra wa abölö ba fanolo ndratalifusö ba khö Keriso.

SATO : Fondrongo wa ngandröma ba be'e khöra wa'lö aiwö ba fanötöna.

SH : Mangandröga ena'ö tobali ndra'ga dela wa'ohahau dödö si otarai Ndra'ugö ba wongambatö, ba gosali ba ba nono wa banuasa.

SATO : Fondrongo wa ngandröma tolo ndra'aga ba wangaurifagö fa'omasi Keriso.

SH : He Lowalangi mafasao ba ma'ohe tanöfönau wa lö atulö wamofö'ö lala

wangalui ba soi Sri Lanka ena'ö fa atuatua si otarai Lowalangi zanuturu lala awö wangerangera za matörö ba wanoloni ono wa banuasa, lö famaehuni ba gotalua nono mbanua, ba ena'ö lö fa'ambö zoguna khöra bongi ma'ökhö, amualagö khöra wa'amanöi, tedou domosa soi Sri Lanka, töratöra zi so banua sideide sinumana.

Ena'ö fa atuatua si otarai Lowalangi zamatörö zondronia'ö ba wamareta ba wamohouni fa'auri nono wa banuasa.

SATO : Fondrondrongo wa ngandröma ena'ö fa'atulö siotarai Lowalangi za mohouni ena'ö sökhi zi no tekiko ba wa lö atulö zamatörö ba Sri Lanka.

SH : He Ama manganröga, ena'ö tebohouni zi sagörö ulidanö ena'ö alua wa hasara dödö ba gotalua zi no fabali, si no aboto ba gangowuloa. Amualagö khöra Geheha fangomasi'ö ba fa'ahakhö dödö-Mö ba niha fefu, ena'ö masöndra wa'atulö ba fahasambua, ba tenga fa'aboto ba faudusa, be khöma wa'abölö ba fa'atuatua ba wo lohe ba lala satulö khöma si no fa bö'ö fangerangera, ena'ö alua wa lulusa fo halöwö, faoma mafosumange nawöma ba wamalua si sökhi, ena'ö fa'abölö wamadöhö si otarai khö-Mö te bohouni zi no terasa ba tefalua wahasara dödö ba zi sagörö ulidanö.

SATO : Fondrondrongo wa ngandröma tolo ndra'aga ba wangomasi'ö ba fa'aboto ba dödöma niha fefu.

SH : He So'aya, ma ohe fönau gangowuloa UEM ba wangandrö ena'ö fondrondrongo ba fokubaloi si otarai Lowalangi zi fao ba gangowuloa UEM andre ena'ö sitedou ba wamati ba ba wa hasambua. Fahowu'ö ndra'aga ba osambua'aö ndra'aga, faoma latundreheni ba fa'aboto ba dödö taroma Li Mö, be'e khöma ginötö ba wangai halöwö ba wama'ema fa'omasi-Mö ba niha bö'ö. Aro'ö wa hasambua gangowuloama ba abölö'ö ndra'aga ena'ö tobali ndra'aga haga ba zi fasuima. Ena'ö angowuloa si hasambua andre tobali famolakömi Lowalangi.

SATO : Fondrondrongo wa ngandröma ba tolo ndra'aga ena'ö ha sambua fefu niha ba wa'omasi Keriso

SH : He So'aya ma'ondrasi Ndraugö sifao fa'abu dödö, mangandröga salahi sifasuwösuwö, Papua, Kongo awö soi sifasuwösuwö irugi ia da'a, ma'andrö ena'ö fa'abölö danga Lowalangi ba fa ohahau dödö za matörö ba sifasuwösuwö, fadöhö zokho börö wasuwösa, ohe ira ba wa'atulö ba fa'aboto ba dödö ba gotalua niha. Amualagö wa'atulö-Mö ba zondronia'ö ba ba niha fefu, tuturu khöra lala saekhu ba zi sökhi ba fa'atulö, kubaloi mbanuau fa'omasimö zo alani fa'afökhö dödö, fa'afabali dödö, fa'udusa. Faduhu dödöma wa'abölö-Mö ba wolohe famohouni ba fa'atulö.

SATO : Ena'ö tohare mbanua Lowalangi ba ya'alua zomasi'ö na inötö ma odödögö wondrugi wa hasambua ba khö Keriso, ma otomosi dela ba wa makiko somba'agö ba wamolakhömi töi-Mö.

SH : He So'aya safönu fa'abölö, ba ginötö ma'asiwai wa'owuloma andre, ma'andrö saohagölö wa'omasi-Mö no ö'thegö khöma ginötö owulo ndra'aga ba döi-Mö Tuho Fahasambua ba khö Keriso ba wangotomosi dela ba wa makiko somba'agö, fa'atedou wahasambua mbanuau. Ena'ö Eehau Ni'amoni'ö sangosambua'ö si no marasoi sifao khöma toröi Ia ba dödöma sanuturu lala,samaha'ö tödöma, era'erama, fehedema awö gamuatama.

Be'e khöma wa abölö wa nolo niha bö'ö wangotomosi dela tomosi wa'omasi awö wanudugö mba'amba'a somba'agö ya'aga zamösana. Ena'ö fa'omasi-

Mö andrö mohaga wohagani ya'aga, ba wolohe niha itugu ahatö khö Lowalangi. Ba ginötö maröi nahia andre, ena'ö fa'atohare-Mö zi fao khöma ba wangabölö'ö ya'aga ba wangaurifagö wa hasambua ba khö Keriso Yesu Lowalangima. Ba döi Zo'aya ya'aga Yesu Keriso, si no mamahaö ya'aga ba wangandrö mamane :.....

SH+SATO : He Ama khöma si so ba zorugo.....

15. FAMATENGE + HOWUHOWU

SH : Mi'angawuli si fao fa'ohahau dödö, ya tobali ami sura Keriso samaduhu'ö
Ya'ia ba lala wa'aurimi sero ma'ökhö, ba mitema howuhowu :

- ❖ Ya mufahowu'ö ami Lowalangi, Ya murorogö ami
- ❖ Ya mufahaga mbawa-Nia khömi, Ya mu'ebua'ö dödö-Nia Khömi
- ❖ Ya mufalemba hörö-Nia khömi, Ya mube'e wa'ohahau dödö khömi fefu. Yaduhu

SATO : **Manunö Buku Zinunö numero 308 (TANGA YESU NO ARO)**

308. TANGA YESU NO ARO

Lala : Masuno' ö Yehowa (No. 3)

do = f 3/4

MM = 96 - 104

1. Tanga Yesu no aro, lö manö Iböhölido.
Sondrorogö ya 'odo, ena 'ö lö te 'alado.
Lö mangiwa dödögu So 'aya zi fao khögu.

SH : Ya'ahowu

SATO : Ya'ahowu

